

BIRINCHI TOSHKENT XALQARO INVESTITSIYA FORUMI YAKUNI BO`YICHA “O`ZKIMYOSANOAT” AJ NATIJALARI

// 26 March 2022 yil

<https://pda.uzkimyosanoat.uz/oz/press/news/xalqaro-investitsiya-forumi-yakuni>





Joriy yilning 24-25 mart kunlari poytaxtimizda birinchi Toshkent xalqaro investitsiya forumi bo`lib o`tdi. O`zbekistonning investitsion imkoniyatlarini namoyish qilish va xalqaro hamkorlikni kengaytirishga qaratilgan mazkur forumda "O'zkimyosanoat" AJ tomonidan mamlakatimiz kimyo sanoatini jadal rivojlantirish, sohaning investitsiya jozibadorligini oshirish, yangi istiqbolli loyihalarga to`g`ridan-to`g`ri xorijiy investitsiyalarни jalb qilish, shu bilan birga sohaga zamonaviy innovatsion texnologiyalarini joriy qilish yuzasidan qator xorijiy kompaniyalar vakillari bilan muzokaralar o`tkazildi.









Shu bilan birga 25-mart kuni Toshkent xalqaro investitsiya forumi doirasida "O'zkimyosanoat" AJ tomonidan "Kimyo innovatsiyalari" mavzusida "Biznes Nonushta" ham tashkillashtirildi. Unda Yaponianing "Mitsubishi" va "Toyota Tsusho Corporation", Germanianing "Siemens Energy", Fransiyaning "EDF", Singapurning "Indorama Group", Saudiya Arabistonining "Sabic", Avstriyaning "Bowas" hamda boshqa ko`plab chet el kompaniyalarning 100 dan ortiq vakillari, xorijiy va mahalliy investorlar, soha mutaxassislari hamda xalqaro ekspertlar ishtiroy etishdi. IFC ishlab chiqarish, agrobiznes va xizmatlar bo'yicha global menejeri janob R.Balajdi moderatorlik qilgan "Biznes nonushta" davomida "O'zkimyosanoat" AJ boshqaruvi raisi J.Mirzamahmudov, Shveytsariyaning "Casale SA" kompaniyasi bosh muhandisi Ermanno Filippi, Singapurning "Indorama" kompaniyasi boshqaruvi a'zosi Prakash Kejrival hamda Italiya va O'zbekiston Savdo-sanoat palatasi, CIUZ Prezidenti Giorgio Veronesilar nutq so'zlashdi. Shu bilan birga qator taqdimotlar o'tkazilib, o`zaro tajriba almashinildi.

"Biznes nonushta"da bugungi kunda kimyo va yoqilg'i-energetika sohalarida xorijiy sheriklar bilan hamkorlikni yanada rivojlantirish uchun ulkan salohiyat mavjudligi, bunda O'zbekiston hududida mavjud tabiiy resurslardan samarali va oqilona foydalanish va xalqaro institutlar bilan to'plangan tajribani almashishga katta e'tibor qaratish lozimligi ta'kidlandi. Bundan tashqari ushbu sohaga investitsiyalarni jalg qilish, yuqori qo'shilgan qiymatga ega bo'lgan yuqori likvidli mahsulotlar ishlab chiqarishni tashkil etish, dunyoda kimyo sanoatida qo'llanilayotgan innovatsiyalar va ularni O'zbekistonga ham tadbiq etish, sanoatni dekarbonizatsiya qilish hamda moliyaviy va ekologik jihatdan barqarorligini ta'minlash kabi ko`plab muhim masalalar muhokama qilindi.



Uzkimyosanoat

Uzbekistan Export-Import Program
Export-Import Program's Development Project 2022
International Hotel Tashkent
28.03.2022

"O'zbekiston" AJ
MATBUOT XIZMATI



Forum yakunlari bo'yicha "O'zkimyosanoat" AJ tomonidan qiymati 1,0 mlrd. dollardan ortiq 5 ta investitsiya loyihibarini amalga oshirish bo'yicha shartnomalar imzolandi. Unga ko'ra 2022-2027 yillarda jami 995,0 mln dollar to'g'ridan-to'g'ri xorijiy investitsiyalar va kreditlar o'zlashtirilib, 1 166 ta yangi ish o'rinni yaratiladi va 10 dan ortiq kimyo mahsulotlari ishlab chiqarilishi ta'minlanadi. Shu bilan birga, imzolanadigan eksport shartnomalari doirasida jami 127,5 mln dollarga teng eksport ko'rsatkichlari amalga oshirilishiga kelishib olindi.

"O'zkimyosanoat" AJ Mabuot xizmati